

Lupa sejenak derita barah

Nenek berpenyakit barah tahap ketiga terhibur saksi sketsa penghuni Rumah Kebajikan Muhammadiyah



SALING MENUPIK KASIH: Cik Daniar (*bertudung merah*) terhibur dengan gelagat anak-anak Rumah Kebajikan Muhammadiyah yang berkunjung ke HCA Hospice Care kelmarin. – Foto JOHARI RAHMAT

► **NURUL 'AIN RAZALI**
nrzali@sph.com.sg

BARAH buah dada yang dihadapi Cik Daniar Zainudin, 67 tahun, sudah mencecah tahap ketiga. Lebih menyedihkan, ibu empat anak dan nenek sembilan cucu itu tinggal sendirian di Upper Boon Keng.

Namun kelmarin, kesepian yang menyelubungi Cik Daniar diterjah keceriaan apabila 21 penghuni Rumah Kebajikan Muhammadiyah (RKM) menghiburkan beliau.

Setelah sekian lama barulah terukir senyuman pada wajah tua wanita kematian suami itu apabila beliau menyaksikan tiga sketsa, 15 minit setiap satu, lakonan beliau berumur 12 hingga 16 tahun itu.

“Nenek tengok mereka macam cucu nenek. Nenek tumpang kasih dengan mereka. Nenek puji lakonan mereka. Bagus. Nenek terhibur dengan lakonan mereka,” kata Cik Daniar

Beliau antara 26 pesakit penyakit terminal (boleh membawa maut) berumur lebih 60 tahun di bawah jagaan HCA Hospice Care yang menyaksikan persembahan anak-anak RKM itu.

Persembahan di hospis tersebut adalah sempena kempen *Giving Back* (Sumbang Kembali) 2013 RKM.

Latihan drama dan penyelarasan program tersebut dikendalikan 18 guru pelatih dari Institut Pendidikan Nasional (NIE).

Kumpulan guru itu bergiat di bawah naungan kumpulan HeartCore, yang diadakan sebagai sebahagian sukatan pelajaran NIE mengenai pembelajaran menerusi khidmat.

Dalam program tersebut, sesi berinteraksi bersama warga emas diselenggarakan antara tiga sketsa itu.

Semasa sesi interaksi itulah seorang penghuni RKM, Rizal (bukan nama sebenar), menemui Cik Daniar.

Rizal, 16 tahun, dicengkam rasa sayu melihat nenek itu kelihatan sugul dan terus terkenang neneknya sendiri di rumah.

“Setelah kami membuat persembahan, saya nampak nenek itu senyum dan melambai-lambai. Waktu itu saya rasa sangat gembira. Segala penat lelah menghafal skrip dan berlatih selama sebulan sejak bulan lalu terasa amat berbaloi. RKM telah banyak membantu saya. Ini adalah peluang untuk saya pula menyumbang kepada masyarakat.”

– Rizal, penghuni Rumah Kebajikan Muhammadiyah.

“Setelah kami membuat persembahan, saya nampak nenek itu senyum dan melambai-lambai. Waktu itu saya rasa sangat gembira. Segala penat lelah menghafal skrip dan berlatih selama sebulan sejak bulan lalu terasa amat berbaloi.

“RKM telah banyak membantu saya. Ini adalah peluang untuk saya pula menyumbang kepada masyarakat,” ujar Rizal.

Ketika ditemui, Ketua Pegawai Eksekutif (CEO) merangkap Pengarah Perubatan HCA Hospice Care, Dr R. Akhileswaran, meluahkan rasa syukur atas sumbangan anak-anak RKM itu.

“Lebih daripada itu, jika terpaksa menjaga pesakit pada masa depan, anak-anak ini tidak akan gentar kerana mereka sudah mengalaminya sendiri hari ini.

“Penjagaan warga emas yang sakit tenat bukan sesuatu yang akan menakutkan mereka kelak,” ujar Dr Akhileswaran.

Illness forgotten for a while

The article introduces Mdm Daniar as a Stage 3 breast cancer patient who is entertained by a skit put up by children of Muhammadiyah Welfare Home.

The article goes on describe her story and then introduce the children doing the skits as a part of Muhammadiyah's Giving Back programme jointly planned with NIE.

A positive reflection by one of the children was recorded too.

Finally, Dr Akhileswaran commented that he was grateful and that he hoped this experience will help the children care for their own grandparents should they ever become terminally ill as well.